

重修植物名實圖考

小野職慤重修
蔬類

勤水



旱 勤



水斲

水斲本經下品、陶隱居以爲合在上品、未解何意乃在下、別錄謂生南海地澤、此是常蔬、不識何以云生南海、殆非人所種者耶、芹菹加豆之實、而列子云、人有美戎菽、甘泉莖、芹萍子者、對鄉豪稱之、鄉豪取而嘗之、蜚於口、慘於腹、其所謂芹子、必非園圃中物矣、按詩、鬻沸檻泉、言采其芹、蓋古時以爲野蔬、青州有芹泉、榆林有芹葉水、老杜詩多言芹、青泥烏貲、亦自生之藪耳、二老堂詩話、蜀人縷鳩爲膾、配以芹菜、或爲詩云、本欲將勤補、那知弄巧成、言雖譎而可諷、雋叟農曰、羊鼻公嗜醋芹、此常饕耳、龍城錄、三杯食盡之說、近狎侮矣、太宗敬文貞甚至不應有此臣、執作從事、獨僻此收歛物、文貞豈以口腹之故而爲嗇夫喋喋者、昌歆羊棗、聖賢不以爲病、若於飲食之間、而覘朝臣所短、則漢景賜食、而不設箸、孫歆燕飲、澆灌取足、豈盛德事哉、昔人謂龍城錄爲僞書、其言猶信、

〔長編〕水芹爾雅、芹、楚葵、注、今水中芹、

本草經、水蘄、味甘平、主女子赤沃、止血、養精、保血脉、益氣、令人肥健嗜食、一名水英、

別錄、無毒、生南海池澤、陶隱居云、論斷主療、合是上品、未解何意、乃在下品、二月三月、作英時、可作菹、及熟煪食之、又有渣芹、可爲生菜、亦可生噉、俗中皆作芹字、

別本注、即芹菜也、芹有兩種、荻芹取根、白色、赤芹取莖葉、並堪作菹、及生菜、味甘、經云平、其性大寒無毒、

食療本草、水芹寒、養神益力、殺藥毒、置酒醬中、香美、又和醋食之、損齒、生黑滑地、名曰水芹、食之、不如高田者宜人、餘田中、皆諸蟲子在、其葉下、視之不見、食之與人爲患、高田者、名白芹、

金匱方、春秋二時、龍帶精入芹菜中、人遇食之、爲病、發時、手青肚痛不可忍、作

蛟龍病服硬糖三二升日三度
齊民要術爾雅曰芹楚葵也詩義疏曰蘆苦葵青州謂之芑
芹蘆並收根畦
種之常令足水尤忌潘泔及鹹水澆之則死性並易繁茂而甜脆勝野生者
白蘆尤宜糞歲常可收馬芹子可以調蒜齏薑及胡蔥子熟時收又冬初
畦種之開春早得美於野生惟概爲良尤宜熟糞胡芹小蒜蒔法並暫經小
沸湯出下冷水中出之胡芹細切小蒜寸切與鹽酢分半糞青白各在一邊若
不各在一邊不卽入於水中則黃壤滿糞
爾雅翼水芹二月三月作莢時可作蒔及熟淪食之葉似芡莢花白色而無實
根赤白周禮醢人加豆之實用水草則有芹蒔深蒲其朝事之豆則有昌本蒔
蒔禮記曰常豆之蒔水草之和氣也其醢陸產之品也加豆陸產也其醢水物
也水草之和氣則芹蒔深蒲昌本之屬然亦或在加豆爾魯頌頌僖公能修泮
宮一章采芹二章采藻三章采蒔三者水物泮水之所生泮水備則宮之備可

知鄭氏云、辟癰則築土離水之外、圓如壁、泮之言半也、蓋東西門以南通水、北無也、許叔重說、泮諸侯鄉射之宮、西南爲水、東北爲牆、蓋始入學者、必釋奠於先師、又有釋菜、以菜爲塾、故即水中、采三品之水草、以薦之、采菽之詩、刺幽王於諸侯之至、不能錫命以禮、故首章采菽者、大豆之葉、可以爲臚、乃牛俎之銅羹、次章采檻泉中之芹、蓋微物矣、然古人不以微薄廢禮、使王能修之、猶愈於無禮也、此與瓠葉同意、今釋奠先聖、猶用之、或曰、不如高田者宜人、高田者多白芹、今舒蕡多有之、故蕡蛇用於世者、體皆作此物香、蓋所嗜云、土人名爲水白芷、或曰、蕡之爲蕡、以有芹也、蕡即芹、亦有祈音、

救荒本草、水芹發莢時、採之燂熟食、芹有兩種、荻芹取根、白色、赤芹、取莖葉、並堪食、又有渣芹、可爲生菜食之、

又曰、野芹、須取嫩白爲佳、輕鹽一二日、湯焯過、曬須一日、乾方妙、本草綱目、李時珍曰、蕡當作蕡、從草、蕡諧聲也、後省作芹、從斤、亦諧聲也、其性

冷滑如葵、故爾雅謂之楚葵、呂氏春秋、菜之美者、有雪夢之芹、雲夢楚地也、楚有蘄州蘄縣、俱音淇、羅願爾雅翼云、地多產芹、故字從芹、蘄亦音芹、徐鍇注說文、蘄字從草蘄、諸書無蘄字、惟說文別出荈字、音銀、疑相承誤出也、據此、則蘄字亦當從蘄作蘄字也、

說文解字注、蘄艸也、釋艸、蘄字四見、不識許所指何物也、从艸蘄聲、說文無蘄字、蘄當是從蘄斤聲、如虫部蠲字、當是從蜀益聲、不立蘄部、蜀部是以傳於艸虫二部、而蘄聲不可通、或曰、當有從單斤聲之蘄字、說文無單部、因無蘄字也、陸德明曰、蘄古芹字、然說文有莛字、則非一字也、汪氏龍曰、蘄字蓋失收、集韻渠希切、古音當在十三部、古鐘鼎款識、多借爲祈字、江夏有蘄春縣、見地理志、縣各本作亭、今正、凡縣名系於郡、亭名鄉名、系於某郡某縣、

又莛菜類蒿、詩禮皆作芹、小雅箋曰、芹菜也、可以爲菹、魯頌箋曰、芹水菜也、釋艸、及周禮注曰、芹楚葵也、按卽今人所食芹菜、今說文各本、於艾葦二字之下、

又出芹字、訓楚葵也、从艸斤聲、此恐不知茝即芹者、妄用爾雅增之、攷周禮音義曰、芹說文作茝、則說文之有茝無芹明矣、且詩箋引周禮芹茝、說文引周禮茝、豈得云二物也、从艸近聲、周禮音義引說文音謹、唐韻巨巾切、古在十三部、本艸作斲、周禮有茝茝、見醢人、茝蓋周禮故書字、

又葢菜之美者、雲夢之葢、呂氏春秋、伊尹對湯曰、菜之美者、雲夢之芹、高注、雲夢楚澤、芹生水涯、許作葢、蓋殷微二韻、轉移最近、許君采自伊尹書、與呂覽字異、音義則同、廣韻曰、葢菜似蕨、生水中、說者謂、豐水有芑、卽此、从艸豈聲、廣韻祛稀切是、唐韻作驅喜、蓋謂葢卽芑字也、十五部、

藟

斷同芹藟音謹爾雅芹楚葵注今水中芹菜而唐本草別出藟菜云野生非人所種葉似蕺菜花紫色李時珍以爲即旱芹按爾雅齧苦藟注今藟葵也葉似柳子如米汋食之滑與斷菜殊不類近時亦無蒸芹而食之者唯疏引唐本草藟菜釋之余疑本草藟別一種惟諸家皆以爲水蘄當有所據又按詩藟菜如飴傳藟菜也疏以爲烏頭烏頭毒草豈可釋菜內則藟葇同列未必異物士虞禮冬用葇夏用葵然則藟其葵之類耶爾雅芹與苦藟兩釋究不可定爲一種烏頭之藟音覲與藟葵亦異讀

〔長編〕爾雅齧苦藟注今藟葵也葉似柳子如米汋食之滑疏云齧一名苦藟可食之菜也內則云藟葇粉榆是也本草云味甘此苦者古人語倒猶甘草謂之大苦也

唐本草藟汁味甘寒無毒主馬毒瘡搗汁洗之并服之藟菜也出小品方萬畢

方云除蛇蝎毒及癰腫注此菜野生非人所種俗謂之莖菜葉似葢花紫色食療本草莖菜味苦主寒熱鼠瘻癰瘰生瘡結核聚氣下瘀血葉主霍亂與香薷同功蛇蛟生杵傳之毒即出矣又乾末和油煎成摩結核止三五度便差按莖形狀皆非芹類附以備考

焦循毛詩補疏莖菜如飴傳莖菜也菜苦菜也箋云其所生菜雖有性苦者甘如飴也循按爾雅云齧苦莖郭璞注云今莖葵也葉似柳子如米泔食之滑公食大夫禮銅莖牛薺羊苦豕薇皆有滑鄭氏注云滑莖莖之類毛以莖爲菜此指莖也詩詠所產之美不必爲他處之所無亦不必前此之不美箋謂雖苦亦甘者以莖名苦莖茶爲苦菜故有此說豈謂烏頭毒藥頓化而爲甘乎食療本草云莖菜味甘唐附本艸云莖汁味甘寒無毒蓋莖菜味苦而汁甘一若茶味苦淪之則甘也說文云莖艸也根如薺葉似柳蒸食之甘蒸食之甘正所以爲如飴也烏頭名茺轉聲爲莖猶薺華名曰及轉聲爲木槿非莖菜之莖也

紫 芥




紫芹

紫芹、宋圖經、始著錄莖紫、葉肥、根白、長香甜、河南多種之、



馬 芥



馬芹

馬芹、唐本草始著錄、多生廢圃中、高大易長、南人不敢食之、滇南水濱、高與人齊、通呼水芹、滇本草謂、主治發汗、與麻黃同功、一小兒、發熱月餘、得一方、水芹菜、大麥芽、車前子、水煎服、効、

〔長編〕爾雅、菱牛薺、釋曰、似芹、可食、菜也、而葉細銳、一名菱、一名牛薺、一名馬薺、子、入藥用、

唐本草、馬芹子、味甘、辛溫無毒、主心腹脹滿、下氣、消食、調味、用之香似橘皮、而無苦味、注、生水澤傍、苗似鬼鍼、蓰菜等、花青白色、子黃黑色、似防風子、

鄭樵通志、馬芹、俗謂胡芹、其根葉不可食、惟子香美、可調飲食、所謂野人快炙背、而美芹子、是也、

紫堇

宋圖經、紫堇、味酸、微溫無毒、元生江南吳興郡、淮南名楚葵、宜春郡名蜀堇、豫章郡名苔菜、晉陵郡名水葡萄菜、惟出江淮南、單服之、療大小人脫肛等、其方云、紫堇草、主大小人脫肛、每天冷、及喫冷食、卽暴痢不止、肛則下脫、久療不差者、春間、收紫堇花二斤、暴乾、擣爲散、加磁毛末七兩、相和研、令細、塗肛上納、旣入內了、卽使人喫冷水於面上、卽吸入腸中、每日一塗藥、喫面、不過六七度、卽差、又以熱酒半升、和散、一方寸匕、空腹服之、日再、漸加至二方寸匕、以知爲度、若五歲以下小兒、卽以半杏子許散、和酒、令服之、亦佳、忌生冷陳倉米等、

按、紫堇不著形狀、或以爲卽芹之紫莖者、未必確、姑附於此、

